

PEACE AVE

Te mahere ā-rohe o Maungakiekie-Tāmaki 2020

He aronga poto i tā mātou mahere



Mihi

Manawa mai te mauri nuku.
Manawa mai te mauri rangi.
Ko te mauri kei a tātou, he mauri tipua.
Ka pakaru te pō.
Tau mai te mauri,
Haumi e, hui e; Tāiki e!

Ko tēnei te hau e wawara nei.
Mau tonu, tere tonu,
mai i te kore, ki te pō,
ki te ao mārama.

I whakaawe ai taku ara
ki ngā Kāhui Rū Whenua.
Heke iho au i Te Puru o Tāmaki
ki Te Taumanu Herenga Waka,
whakarākeitanga o te takutai moana.
E mihi kau ana a Māngere
ki te Mānukunuku-o-Hoturoa.

I turukitia ngā pōkare e hora rā
ki te Tapotu-a-Tainui.
Kia whakatata mai ki Te Wai-mokoia,
ka haereere tonu ki Te Wai-o-Taiki.
Kia tae atu ki Tāhuna Torea,
ka takahia rā te paemaunga
ki Patutahi, ka haere tonu ki Remuwera.
Anei rā tēnei māra moemoeā
e karanga atu ana ki ngā poutapu i muri;
o Waiatarua, Onehunga, Rarotonga, Mutu-Karoa,
Waipuna, Te Kai-a-Hiku, Mokoia, Uku-tōia.

Ka tau ki Maungarei.
Tutuki tēnā, kei raro ko Rua-pōtaka
me Pare-huia e tiaki ana i Te Oro -
Whare Tapere o Ngāti Tī-tahi, Ngāi-Tai-ki-Tāmaki, Ngāti
Paoa me Ngāti Whātua.

Ka uru mai a Matariki ki runga
ka tohu ia kua tīmata te Tau Hōu.
Tau mai te mauri
Haumi e...Hui e... Taiki e.

Kei tēnei puka te whakarāpopotohangā o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau,
www.aucklandcouncil.govt.nz mō te roanga ake o te mahere.

He kōrero nō te Heamana

Nō mātou te maringenui ki te whakatakoto i te Mahere Poari ā-Rohe o Maungakiekie-Tāmaki 2020. Nei rā te mihi ki a koutou i whakahoki whakaaro mai e pā ana ki te tuhinga tuatahi, he mea whakaaraara te kite atu i te tautoko o te nuinga ki ngā wawata me ngā hiahia o te poari.

I āta whakaritehia kia rere ngātahi ai ngā whāinga ki ērā o te mahere whānui o Tāmaki-Makaurau kia whai āpōpō ai ngā whakataunga. Ko ngā whāinga e ono e aro pū ana ki te hapori; te ao Māori; te taiao ki rō tāone; ngā kōwhiringa aratau hāereere; te taiao, ngā taonga tuku iho, ngā whare tuku iho, te pāpori taurikura, te ohaoha taurikura. Ka whakatakoto tēnei mahere i ngā wawata me ngā kaupapa matua mō ēnei kaupapa. He mea arotahi mā tātou i ngā toru tau kei mua i te aroaro.

Kua whai whakaaro atu ki ngā pānga o te MATE-KORONA, me tōna pānga ki ngā mahi tautoko i te hapori, i te roanga ake o tēnei mahere. Ka tautokona e mātou ngā kaupapa eke paihikara me ngā kaupapa hīkoi hei tāpri atu ki ngā kaupapa i hāpaitia i te Taumata 3 me te Taumata 4. Waihoki, kua whakakahatia e mātou ngā pakihī, ā, kua aro hoki ki te whakakahā i ngā pūkenga o te hapori kia rere pai ai i ngā tau maha kei mua i te aroaro.

I ngā rā o te tau pōti kua taha ake, i tino kitea ngā pānga o ngā raru āhuarangi, nā whai anō kei te mātāmua o ngā whiringa kōrero o tēnei mahere te āhuarangi. I rongo mātou i ō tono kia nui noa atu ngā mōhiotanga me ngā pūkenga kia rite ai ahakoa te aha, ā, kua whai wāhi atu tēnei tono ki tētahi o ngā whāinga matua.

Ko te aro pū ki ngā wawata o te iwi Māori tētahi o ngā whakaaro matua o ia whāinga, ā, kua whakamārōhia tērā wawata mā tētahi whāinga hōu e whakaatu ana e pēhea rā mātou e whakarewa ake i te Māoritanga me ngā hapori Māori.

Te piki tonu taupori, ka rere tonu ngā mahi whanake huri noa i Maungakiekie-Tāmaki. Ka whakakahatia tonutia ngā whanaungatanga ki Kāinga Ora me Tāmaki Regeneration kia pai ai te kounga o ngā hoahoa whare i ngā takiwā kāinga, kia marutau ngā tūhononga, kia pai ake ngā wāhi mārakerake me ngā wāhi huinga tangata. I whakahoki kōrero mai koutou ki te whakapau i te pūtea ki te whakapaipai i a Mt Wellington nō reira kua whakamārōhia te hiahia ki te rapu hoa tautoko ā-pūtea ki te whakatū pokapū hapori.

Ka kōkirihia ētahi kaupapa hōu i tēnei tau pōti, ā, ka rangahaua mēnā e tika ana te whakatū i te Pasifika Fale, he kaupapa i kaha tautokona e tō tātou hapori Pasifika, me te whakakiko i te Waikaraka Park Masterplan, he kaupapa e tata ana ki tōna whakarewatanga.

Ngā mihi nunui i tō tautoko mutunga kore, e hīkaka ana mātou ki te mahi tahi ki te whakatutuki i ngā mahi whakahirahira nei.



Chris Makoare
Heamana, Maungakiekie-Tāmaki Local Board
Whiringa-ā-nuku 2019 ki te Paenga-whāwhā 2021



Maria Meredith
Heamana, Maungakiekie-Tāmaki Local Board
Paenga-whāwhā 2021 ki te Whiringa-ā-nuku 2022

He whakarāpopotohangā o ngā kaupapa matua o te mahere

Whakaotinga tahi: Ko ā tātou hapori kanorau e oi ana, e whakauru ana, e tūhono ana

E ākina ana ō tātou hapori ki te ārahi i ngā kaupapa hapori me ngā mahi whakarautaki i ō rātou ake rohe. E rongo ana tātou i te whanaungatanga ki tēnā, ki tēnā, ki tēnei rohe hoki. Mā te whakanui i te hapori kanorau ka puta ko te kotahitanga. He tino pai te oranga o tēnā, o tēnā, ā, ka whai wāhi tātou ki te whakatinana i te pitomata.

Whakaotinga rua: Kei te taurikura, kei te kitea hoki te ao Māori

Ka whai wāhi atu te Māoritanga ki ngā mahi katoa huri noa i te rohe o te poari ā-rohe. E kore e warewaretia te whakahirahira o te Māori i ā tātou e takahi ana i te ara whakamua.

Whakaotinga toru: Kua tiakina mō muri ake ō tātou hanganga ā-kiko, ā-pāpori hoki

Ka whakaritehia he wāhi taiao mō te hapori, ka kaha whakamahia ngā whare kaunihera hoki. Ka āta whakamaheretia ngā mahi whakawhanake, ā, ka hua mai i ērā mahere ngā pokapū tāone hīkaka. Ko ngā whare he mea whakaora i te tangata, ā, ka tūhonotia ai ngā takiwā kāinga.

Whakaotinga whā: Ko ā tātou kōwhiringa ikiiki he haratau, he toitū, he haumaru hoki

Kia iti ake ai te taraiwa motuka - ka maha ō tātou kōwhiringa ki te hāereere i te rohe ka tahi, ka ngāwari te whakamahi ka rua. Ka marutau te tangata i a ia e nukunuku haere ana i tō tātou rohe.

Whakaotinga rima: Kei te tiakina, kei te whakanuitia ō tātou taonga hangahanga, ao tūroa, ahurea anō hoki

E houkura ana te wai, te whenua, te hau māori. E whakanuia ana e tātou te taiao tuku iho, ngā taonga tuku iho me ngā whare tuku iho. E rite ana tātou ki te kaupare i ngā raru āhuarangi.

Whakaotinga ono: Ka taurikura ō tātou tāngata, pakihī ā-ohaoha, ā-pāpori hoki

He wāhi noho paetata, he wāhi mahi paetata, he wāhi whakangahau paetata. He pūkenga nui ō tātou, he pakihī taurikura ō tātou.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Maungakiekie-Tāmaki mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
Whiwhinga moni i ngā mahi whakahaere	
Ratonga hapori ā-rohe	604
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	604
Whakapaunga moni ki ngā mahi whakahaere	
Ratonga hapori ā-rohe	12,559
Whakarautaki ā-rohe me ngā mahi whakawhanake	1,084
Ratonga taiao ā-rohe	198
Mahi kāwana ā-rohe	1,000
Tataunga whakapaunga moni ki ngā mahi whakahaere	14,841
More whakapaunga moni ki ngā mahi whakahaere	14,237
Whakapaunga pūtea tōpū	
Ratonga hapori ā-rohe	2,764
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga pūtea tōpū	2,764

Ngā Mema o te Poari ā-Rohe o Maungakiekie-Tāmaki

	Ngā taipitopito hei toro atu ki ngā mema
	Chris Makoare – Heamana Heamana – Whiringa-ā-nuku 2019 ki te Paenga-whāwhā 2021 Waea: 021 0206 2990 chris.makoare@aucklandcouncil.govt.nz
	Debbie Burrows – Heamana Tuarua Heamana Tuarua – Whringa-ā-nuku 2019 ki te Paenga-whāwhā 2021 Waea: 021 534 930 debbie.burrows@aucklandcouncil.govt.nz
	Maria Meredith Heamana – Paenga-whāwhā 2021 ki te Whiringa-ā-nuku 2022 Waea: 021 195 9875 maria.meredith@aucklandcouncil.govt.nz
	Nerissa Henry Waea: 021 198 1468 nerissa.henry@aucklandcouncil.govt.nz
	Peter McGlashan Waea: 021 198 0949 peter.mcglashan@aucklandcouncil.govt.nz

	Ngā taipitopito hei toro atu ki ngā mema
	Don Allan Waea: 021 489 030 <u>don.allan@aucklandcouncil.govt.nz</u>
	Tony Woodcock Waea: 021 197 3146 <u>tony.woodcock@aucklandcouncil.govt.nz</u>



© 2020 Auckland Council
Auckland Council, Maungakiekie-Tāmaki Local Board

ISSN 2253-1106 (Print)
ISSN 2230-6730 (PDF)

Auckland Council disclaims any liability whatsoever in connection with any action taken
in reliance of this document for any error, deficiency, flaw or omission contained in it.